



# COMUNU DE CABUDERRA

Tzitadi Metropolitana de Casteddu

---

09.01.2023

## Setori N.4 - Politzia Munitzipali

Ordinàntzia n. 5 de su 09/01/2023

OGETU: REGULAMENTATZIONI DE SA BIA DE TREXENTA CUN ISTITUTZIONI DE SU DIVIETU DE FIRMADA E REGULAMENTATZIONI DE S' ÀREA PARCHÈGIU ACANTA DE S' ISTITUTU SUPERIORI SERGIO ATZENI.

### *SU RESPONSABILITÀ DE SU SETORI*

**Bius:**

- is art. 7, 21 e 37 de su Còdixi Nou de sa Strada, aprovau cun D.L.gs. 30.04.1992 n. 285 e s.m.i., e finas su regulamentu de esecutzioni e de cumpridura aprovau cun D.P.R. 16.12.1992, n. 495;

- s' art. 107 de su D.L.gs 267/2000, cun su "Testu ùnicu asuba s' ordinamentu de is Entis Localis";

- sa dispositzioni sindacali de cunferimentu de s' incàrrigu de posizioni organizzativa N.21 de su 06/05/2022;

**Bius** is traballus po asfaltai bia de Trexenta e fai finas unu parchègiu acanta de s' Istitutu superiori Sergio Atzeni;

**Cunsiderau** chi tocat a regularizai e disciplinai bia de Trexenta, pruschetotu su tretu intre s' Istitutu Sergio Atzeni e su supermercau MD;

**Stabiliu** de cunformai a is arrègulas sa bia de Trexenta, strada a duas diretzionis de màrcia e cun divietu de firmada a dereta, ananti de sa strada;

**Stabiliu** de disciplinai s' àrea parchègiu cun intrada e bessida e cun caminera a sensu ùnicu de màrcia;

---

**Cunsiderau** de definiri sa chistioni;

### **Òrdinat**

De cunformai a is arrègulas sa bia de Trexenta, su tretu intre s' istitutu superiori Sergio Atzeni e su supermercau MD, strada a duas diretzioni de màrcia cun divietu de firmada a parti manca, ananti de sa scola.

De cunformai a is arrègulas s' àrea de parchègiu comenti àrea a sensu ùnicu de màrcia cun un' intrada e una bessida cun sinnali de STOP.

Is Uficialis e is Agentis de Politzia Stradali e totu is sugetus interessaus a manera istituzionali, de su cali a s' art. 12 de su D.L.gs. 30 de abrili 1992 n. 285, funt incarrigaus de sa vigilàntzia e de fai arrespetai custa ordinàntzia etotu.

Sa Responsàbili de su protzedimentu est sa Dotora Roberta Maxia.

Comùnìcat chi contra a custa Ordinàntzia si podit presentai:

- recursu a su Tar de Sardìnnia in cabu de 60 diis, o
- recursu straordinàriu a su Capu de su Stadu in cabu de 120 diis, de sa dii de notìfica o de candu s' est fatu connosci custu provedimentu etotu, cunforma a s'art. 8 de su D.P.R. n°1199/1971.

Una còpia de custa ordinàntzia bolit notificada a:

- sa dita incarrigada de is traballus;
- su diretori de is traballus Arch. Cocco, cun pec;

Est imbiada po connoscèntzia:

- a su Sìndigu de Cabuderra Sedi;
- a is Carabineris de Cabuderra;
- a s' albu pretòriu de su situ istituzionali.

Cabuderra, su 09/01/2023

SA RESPONSÀBILI DE SU SETORI  
*Roberta Maxia*

---